261

赤白芍各五钱 生甘草三钱 炙乳没各三钱 姜佐景按:俗所谓缩脚肠痈者,此也。吾师移伤寒之方,治要 略之病、神平技矣!

三诊 右足已伸,腹中剧痛如故。仍宜大黄牡丹汤以下之。

生川军一两

桃仁五钱 芒硝七钱(冲)

冬瓜仁一两 丹皮一两

拙巢注:愈。

姜佐景按:肠痈病证,变化多端。上述各案尚不足以尽其情。 吾友蒋冠周君偶抱孩上下阶沿不慎,稍一惊跌,顷之心中剧痛,不 可耐,次日痛处移于少腹右旁盲肠处。医以定痛丸止之,而不能治 其病。其令正来嘱余诊,余适以感暑卧床,荐就吾师治。吾师予以 大黄牡丹汤加减,二剂将愈。不知何故,忽又发剧痛如前,改就西 医诊,用药外敷,约十余日,徐徐向愈。自后盲肠部分有一硬块如 银元大,隐隐作痛,按之更显。蒋君以为病根犹在,虑其再发,意欲 开刀,作一劳永逸之计。余力止之,用阳和膏硇砂膏加桂麝散等香 窜之品,交换贴之,一月而消,此一例也。

曹颖甫曰:肠痈一证舍大黄牡丹汤以外,别无良法。《千金》 肠痈汤虽与此方大略相似,而配合犹未尽善。但有时药虽对病,而 治愈正未可必。尝治庄翔生次妻张氏,屡用本汤攻下,而腰间忽起 流火,以至于死。考其原因,实由平日有鸦片瘾,戒烟后不复吸烟, 常用烧酒浸鸦片灰吞之,以至肠燥成痈。下后,鸦片灰毒内发,遂 发流火,以至由肿而烂,终于不救,要不得归咎于方治之猛峻也。

周 住小西门

复发初诊 大便不甚畅行,自以他药下之,痛而不行,仲师所 谓非其治也。今拟用承气汤加桃仁主之。

生川军三钱(后人)

枳实四钱

川朴二钱

桃仁四钱

芒硝二钱(冲)

姜佐景按:周女士先于本年五月间病肠痈,经吾师暨俞哲生师